

# Il sistem fiscal svizzer

## Il pli important en furma concisa

En Svizra han ils chantuns la suveranitat fiscala originara. La Confederaziun dastga incassar taglias mo en moda limitada. En consequenza da l'autonomia fiscala stattan ils chantuns en ina concurrenza fiscala in cun l'auter. Questa concurrenza promova l'effizienza da la furnizion da prestaziuns statalas e la qualitat da las infrastructuras.

Svilups socials pretandan adina puspè ch'il sistem fiscal vegnia adattà e refurmà. In dals projects da refurma ils pli gronds ha simplifitgà la taglia sin la plivalur. La revision cumplettta da la Lescha federala davart la taglia sin la plivalur è en vigur dapi il 1. da schaner 2010. Il proxim project grond è in sistem directiv d'energia cun ina taxa d'energia. Per mauns èn er vegnididas prendidas adattaziuns da l'imposizion da taglia sin interpretas. En il center stattan qua la promozion fiscala da pertadars da licenzias e l'introducziun d'ina taglia sin il gudogn cun tschains rectifitgads.

## Las particularitads dal sistem fiscal svizzer

L'autonomia da la politica fiscala dals chantuns è francada fermamain en las structuras da la Svizra. La Confederaziun dastga incassar taglias mo là, nua che la constituzion la permetta da far quai. Correspondentamain re-strenschidas èn sias cumpetenzas fiscales. Er anc oz ha la Confederaziun la cumpetenza d'incassar mo durant in temp limità la taglia federala directa e la taglia sin la plivalur. Questa cumpetenza sto mintgamai vegnir concedida da nov tras il pievel e tras ils chantuns. L'urden da finanzas vertent vala fin l'onn 2020.

Pervia da l'autonomia fiscala chantunala hai ina dira concurrenza fiscale tranter ils chantuns. In «race to the bottom», vul dir ina reducziun rui-nusa da las taglias che vegn temida mintgatant, n'ha dentant betg lieu. La Confederaziun ed ils chantuns porschan ina infrastructura d'auto qualitat ch'il pievel sto sancziunar precis uschia sco las taglias che ston vegnir incassadas per quai.

## Simplificaziuns dal sistem fiscal

In sistem fiscal ch'è sa sviluppà sur ils onns ha la tendenza da daventar adina pli complex. La chargia administrativa dals pajataglias svizzers è per-quai creschida ils ultims onns. Tenor il rapport dal Cussegli federal «Main birocracia en il sistem fiscal» sa lascha la chargia administrativa da las e dals pajataglias reducir cun simplifitgar sistematicamain la procedura da taxaziun, cun pauschalisaziuns e cun prestaziuns electronicas.

Er tar la taglia sin la plivalur (TPV) che vegn incassada dapi l'onn 1995 hai duvrà simplificaziuns. Per quest motiv è la Lescha federala davart la TPV vegnida revedida cumplettamain. Tras passa 50 mesiras survegnan las interpresas, ch'èn obligadas da pajar taglia, dapli segurezza giuridica e dapli transparenza, e lur basegns vegnan resguardads meglier. La revision cumplettta da la Lescha federala davart la TPV è entrada en vigur il 1. da



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Departament federal da finanzas DFF

schaner 2010. En la pratica èsi dentant sa mussà ch'intginas regulaziuns ston veginr adattadas. Nagina unitad n'ha pudì veginr chattada en la du-monda, sche la simplificaziun da la TPV duai veginr cuntuada e sche la TPV duai veginr messa a quint mo pli cun ina tariffa unitara u cun duas tariffas.

En la discussiun davart ina refurma fiscala vegini adina puspè er pretendì en Svizra da simplifitgar fundamentalmain il sistem fiscal vertent cun sias numerosas tariffas, deducziuns ed excepiuns. Las stentas fatgas fin ussa n'han dentant per gronda part betg gi success.

### **Sistem directiv d'energia**

Il Cussegl examinescha percenter, co ch'il sistem fiscal po veginr restrukturà cun agid d'ina taxa d'energia. Ina tala restructuraziun duai permetter da taxar pli fitg las activitads nungavischadas sco il consum d'energia e la polluziun da l'ambient, ed activitads giavischadas sco laver ed investiziuns duain percenter veginr distgariadas. Las chasadas e las interpresas na duain dentant betg pajar dapli taglias, mabain autres taglias. La consultaziun ha gi lieu dals 13 da mars 2015 fin ils 12 da zercladur 2015.

Las mesiras fiscales prendidas fin ussa en il champ da l'ambient (p.ex. en la Lescha davart il CO<sub>2</sub>) concernan var 2 pertschient dal product naziunal brut (PNB) da la Svizra. En cumparegliazion cun ils pajais da la OECD che han per part adattà lur sistems fiscales a las finamirias ecologicas, sa chatta la Svizra actualmain amez la glista da rangaziun.

### **Taglias en la concurrence dals lieus**

Sco tut ils stadis sa stenta er la Svizra dad esser in lieu economic attractiv che porscha cundiziuns favuraivlas. En vista a la grondezza restrenschida dal martgà intern, a la mancanza da materias primas ed a las cundiziuns geografic-topograficas è la Svizra sfurzada da tschertgar ses avantatgs da spezialisaziun er en ina politica fiscala attractiva.

L'imposizion da taglia sin interpresas è in faktur impurtant en quest conex. Per augmentar l'attractivitat da la Svizra sco lieu da taglia e per regular il conflict da taglia cun la UE dovrì adattaziuns tar l'imposizion da taglia sin interpresas. Tras la refurma da l'imposizion da taglia sin interpresas III duain uschia en spezial veginr eliminads ils privilegis fiscales da retgavs esters che vegnan cuntanschids da societads da holding, da societads da domicil e da societads maschadadas.

L'imposizion da taglia sin interpresas n'è dentant lunschor betg l'unic motiv per l'attractivitat da la Svizra. Infrastructuras modernas, martgads da laver flexibels e plurilings cun forzas da laver bain qualifitgadas, fermas capacitads da perscrutaziun e da svilup, in dretg da laver flexibel, ina imposizion da taglia moderada da las personas natirales ed il fatg ch'i existan cunvegna davart l'imposizion dubla da taglia cun ils partenaris economics ils pli impurtants, èn er puncts fitg impurtants, sch'i sa tracta da prender decisiuns d'investiziun u da domicil.

.